

Nama : _____

Kelas: _____

S.P : 3.5.1 Menulis isi-isi penting untuk menghasilkan ringkasan dengan betul menggunakan ayat yang gramatis.

Baca petikan di bawah dengan teliti. Berdasarkan petikan tersebut, tulis satu ringkasan tentang **kesan jerebu kepada kehidupan**. Panjang ringkasan anda hendaklah antara 80 hingga 100 patah perkataan. Anda digalakkan supaya menggunakan ayat anda sendiri tanpa mengubah maksud asal petikan.

Malaysia sering kali dilanda fenomena jerebu yang bukan lagi fenomena baharu. Jerebu boleh didefinisikan sebagai kabut yang disertai oleh debu yang terapung-apung di atmosfera dan menyebabkan keadaan sekelilingnya kelihatan kabur. Jerebu juga dikaitkan dengan isu pembakaran hutan yang berterusan, pembakaran terbuka dan sebagainya. Sesungguhnya, fenomena jerebu ini mampu memberikan impak negatif kepada setiap aspek kehidupan.

Satu daripada kesannya termasuklah jerebu boleh menjejaskan kesihatan rakyat terutamanya sistem pernafasan dan boleh menyebabkan pelbagai penyakit seperti asma, sakit kerongkong, selesema, batuk, pneumonia dan penyakit-penyakit yang berkaitan dengan jantung. Hal ini berlaku kerana jerebu menyebabkan badan menjadi lemah dan imunitas semakin rendah. Kesan jerebu juga boleh mengurangkan jarak penglihatan. Keadaan ini berlaku disebabkan oleh komponen-komponen yang ada dalam jerebu berupaya menyerap dan menyerakkan cahaya matahari. Apabila hal ini berlaku, ia amat membahayakan keselamatan rakyat kerana mengundang kemalangan yang boleh mengakibatkan kecederaan dan kehilangan nyawa.

Tambahan pula, aktiviti harian masyarakat turut terjejas akibat masalah jerebu. Hal ini demikian kerana apabila Indeks Pencemaran Udara (IPU) berada pada tahap tidak sihat atau membahayakan, sebarang bentuk aktiviti luar tidak digalakkan. Contohnya, di kawasan-kawasan yang dilanda jerebu, banyak sekolah terpaksa ditutup demi menjamin kesihatan pelajar. Seterusnya, sektor pertanian terjejas dan kebanyakan tumbuhan musnah kerana perubahan cuaca yang melanda pada musim jerebu. Hal ini terjadi kerana cahaya matahari terhalang ke permukaan bumi menyebabkan hasil tanaman kurang menjadi. Di samping itu, kesan jerebu juga dapat dilihat apabila kerancakan sektor pelancongan negara terjejas ekoran jerebu yang melanda. Malah, apabila masalah jerebu menjadi semakin meruncing, sumber pendapatan negara turut terancam akibat jerebu.

Masalah jerebu telah menjadi duri dalam daging kepada Malaysia. Bagi menyelesaikan masalah jerebu yang merunsingkan ini, semua pihak harus bersinergi dalam mengatasi masalah tersebut, persis peribahasa Melayu berat sama dipikul, ringan sama dijinjing. Langkah sederhana perlu diambil demi mengelakkan masalah jerebu daripada berlaku lagi.

(Dipetik dan diubah suai daripada *Jerebu dan Kesihatan: Cegah Sebelum Parah*, oleh Zuriantee Mathovany, Dewan Masyarakat Februari 2020.)

mengurangkan	selain itu
kesan jerebu menyebabkan sektor pelancongan terjejas	jerebu kepada kehidupan.
jerebu	harian masyarakat turut terjejas
kebanyakan tumbuhan musnah	

Salah satu kesan _____ ialah _____ boleh menjejaskan kesihatan rakyat. _____, jerebu boleh _____ jarak penglihatan. Di samping itu, aktiviti _____. Seterusnya, sektor pertanian terjejas dan _____. Tidak dinafikan juga _____.